

ղիկոսն Ներսես, էջ հանգեաւ ի նմանութիւն աղաւնոյ ի վերայ՝ նախ յերիցապետն ի սուրբ Բարսիլիոս. եւ ապա յարուցեալ նստաւ ի քահանայապետն Ներսես: 4 Եւ այս հռչակ հարկաներ զնոցանէ. մանաւանդ յաշխարհն Գամրաց: 5 Մեծապէս թուէին մարդկանն սքանչելիքն ամենայն. եւ ամենայն մարդ պատուէին զսուրբն Բարսիլիոս: 6 Մանաւանդ վասն սրբութեան վարուցն Նորա, եւ կարգացն ճշմարտութեան, եւ բազում խոնարհութեան Նորա, եւ վասն աստուածախաւս ջերմեռանդն աղաւթիցն Նորա, եւ վասն վարուց կարգաց պարկեշտութեանն. եւ կամ վասն աղքատսիրութեանն եւ վասն տառապելասեր¹ վարուցն, եւ պատուիրանակատար մշտակիր հանապազորդութեան Նորա, կամ վասն բազում գիտութեանն, զի աղբեր էր անպակաս իմաստութեամբն. եւ վասն ուսուցիչ վարդապետութեան Նորա, զի փիլիսոփայական արուեստին խնոյր² առականեր հանապազ զամենայն զուր բացեալ զբերանս հերետիկոսացն, եւ զհաւատս ճշմարիտ ամենասուրբ Երրորդութեանն ամենեցուն հաստատեր: 7 Վասն այսր ամենայնի նաշէին ընդ նա իբրեւ ընդ առաքեալ Քրիստոսի, իբրեւ զիրեշտակ երկնաւոր. եւ ամենայն ոք վկայեր՝ թէ արժանի իսկ էր Յոգւոյն Աստուծոյ:

8 Իսկ նա զանձն կարի ի խոնարհութեան ունէր, եւ անարժան համարեր, թէպէտ եւ ամենայն ոք վասն գիտութեան արուեստին կարաւտեր առ նա գալ. մանաւանդ արտաքինքն իսկ ճարտարապետք³ փիլիսոփայիցն առ նա ընթանային վասն իւրեանց արուեստին: 9 Այլ նա զբազումս դարձուցաներ ի պէսպէս յիւրաքանչիւր կարծեացն խոտորութենէ ի ճշմարտութեանն հաւատս, երկրպագուս Քրիստոսի անթիւս մարդկան կացուցաներ: 10 Եւ ամենայն երկիր սկսան ի նա նայել, որպէս թէ անդուստ յերկնից ի վերուստ իջեալ իցէ. այնչափ՝ որպէս զի թէ կամիցի ոք պատմել, ոչ կարացցէ: 11 Այլ յորժամ խոժոռադէմ երեսաւք տեսանէր զիւր եպիսկոպոսն ընդ ինքեան, սուրբն Բարսիլիոս տեղի տայր նմա, թողոյր զքաղաքն, եւ գնայր նա անտի, ելեալ բնակէր մի ի շինացն՝ ուր եւ նմա պատշաճ իցէ կալ անդ:

ԳԼՈՒԽ Ը.

1 Յաղագս թէ ո՛րպէս կայսրն Վաղէս հալածեալ զամենայն ուղղափառ հաւատացեալս, եւ կամ ո՛րպէս կամեցաւ յանդիմանութիւն առնել կայսրն ի մէջ ճշմարտութեանն հաւատացելոց, եւ ի մէջ ծախող աղանդոյն արիանոսաց. եւ կամ ո՛րպէս սքանչելեացն տեսլեամբն սուրբն Բարսիլիոս կոչեցեալ ի պայթարն, եւ յաղթեր՝ Աս-

1 Յօրինակի միում տառապասեր

2 Յօր. արկաներ

3 Թերեւս ճարտարագետք